



Adresa: **Ul. Hamdije Čemerlića 39a**
71000 Sarajevo
Bosna i Hercegovina

tel. +387 33 726-422
fax. +387 33 726-423
e – mail: info@voda.ba

Broj: **UP-I/25-2-40-244-4/21**

Datum: 01.11.2021. godine

„Agencija za vodno područje rijeke Save“ Sarajevo rješavajući po zahtjevu pravnog lica „Operator-Terminali Federacije“ d.o.o. Sarajevo za izdavanje vodne saglasnosti za ispuštanje oborinskih onečišćenih voda koje dopijevaju u vode sa lokacije za skladištenje i distribuciju tečnih naftnih goriva sa pratećim sadržajima, koja se nalazi u naselju Ribić u Ul. Mehmeda Kolakovića bb, grad Bihać, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj saglasnosti**

1. Pravnom licu, „Operator-Terminali Federacije“ d.o.o. Sarajevo, daje se vodna saglasnost za ispuštanje oborinskih onečišćenih voda koje dopijevaju u vode sa lokacije za skladištenje i distribuciju tečnih naftnih goriva sa pratećim sadržajima, koja se nalazi u naselju Ribić, grad Bihać na zemljištu označenom kao k.č. broj: 5980, 5974/4 i 6288/2 (novi premjer) K.O. Bihać koji odgovara starom premjeru k.č. 1020/3, 1021/1, 1024/1, 1025/1 K.O. Bihać te k.č. 385/1, 380/2, 386/2, 384/2, 168/9, 168/11, 164/2, K.O. Bihać grad, u skladu sa projektnom dokumentacijom:
 - Glavni-izvedbeni građevinski projekat rekonstrukcije za terminal tečnih naftnih goriva Bihać, urađen je od strane „Insitut za građevinarstvo - IG“ d.o.o. Banja Luka, decembar 2018 godine. (knjiga 8.-sveska 2, hidrotehnika i knjiga 2. – izvještaj o zatečenom stanju)
 - Izvještaj o izvršenoj kontroli projektne dokumentacije broj: 01-07/19, oktobar 2019 godine urađen od strane „EUROINC“ doo Bihać.a u postupku pribavljanja odobrenja za gradnju.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije vraća investitoru na trajno čuvanje.
4. Vodna saglasnost se daje pod slijedećim uslovima:
 - 4.1. Radove na izgradnji objekata i sistema za prikupljanje, odvođenje, prečišćavanje i ispuštanje oborinskih onečišćenih voda sa lokacije za skladištenje i distribuciju tečnih naftnih goriva sa pratećim sadržajima, izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 4.2. Nakon izvođenja radova na sistemu prikupljanja, odvodnje i prečišćavanja onečišćenih oborinskih voda kao i rezervora za skladištenje naftnih derivata potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.

- 4.3. Odabrani finalni tretman oborinskih onečišćenih voda mora obezbijediti da efluent prije ispuštanja postigne i tokom rada i u toku cijele godine održi granične vrijednosti emisije supstanci i parametara kvaliteta tehnološke otpadne vode propisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», 26/20 i 96/20), tj. iste uskladiti sa Prilogom 1. navedene Uredbe. Od konsultanta i isporučioča opreme postrojenja za finalni tretman pribaviti garanciju da će parametri kvaliteta prečišćenih voda biti u granicama propisanih vrijednosti, definisanih gore navedenom Uredbom.
- 4.4. Način ugradnje uređaja za prečišćavanje tehnoloških otpadnih voda i stavljanje istog u pogon uskladiti sa proizvođačem opreme.
- 4.5. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
- 4.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dode do nastanka štete ili nepovoljnih posljedica po vode i vodni režim.
- 4.7. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 4.8. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: : 03/1-19-1-2555/20 od 27.09.2021. godine izdato od strane Službe za urbanističko planiranje, građenje, imovinsko-pravne i geodetske poslove, Grada Bihaća.
5. Ukoliko se u toku izvođenja radova i korištenja premetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
6. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15).
8. Ova vodna saglasnost prestaje važiti istekom roka od dvije godine od dana pravosnažnosti, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.
9. Ova vodna saglasnost može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „Operator-Terminali Federacije“ d.o.o. Sarajevo pismenim zahtjevom od 02.06.2021. god., zatražilo je izdavanje vodne saglasnosti za ispuštanje oborinskih onečišćenih voda koje dopijevaju u vode sa lokacije za skladištenje i distribuciju tečnih naftnih goriva sa pratećim sadržajima, koja se nalazi u naselju Ribić, grad Bihać na zemljištu označenom kao k.č. broj: 5980, 5974/4 i 6288/2 (novi preinjer) K.O. Bihać grad koji odgovara starom premjeru k.č. 1020/3, 1021/1, 1024/1, 1025/1 K.O. Bihać te k.č. 385/1, 380/2, 386/2, 384/2, 168/9, 168/11, 164/2, K.O. Bihać grad, a u postupku pribavljanja odobrenja za gradnju.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opšta dokumentacija

- Kopija uplatnice upravne pristojbe i biljega,
- Rješenje o izmjenama podataka upisa u sudskom registru broj: 065-0-Reg-20-001260 od 08.06.2020. godine, izdato od strane Općinskog suda u Sarajevu- ovjerena kopija,
- Uvjerenje o upisu u Jedinstveni registar obveznika indirektnih poreza br. 04/1-17-1-UPJR/1-1222-2/15 od 03.03.2015. godine, izdato od strane Uprave za indirektno-neizravno oporezivanje Banja Luka-ovjerena kopija,
- Uvjerenje o poreskoj registraciji izdatoj od Porezne uprave Kantonalni ured Sarajevo od 11.02.2015. godine, ovjerena kopija,

- Punomoć za Šehić Samira broj: 05-102-1/21 od 15.03.2021. godine, data od strane pravnog lica „Operator-Terminali Federacije“ d.o.o. Sarajevo,
- Rješenje o prethodnoj vodnoj saglasnosti UP-I/25-1-40-478-4/20. od 18.12.2020. godine izdato od strane «Agencije za vodno područje rijeke Save» Sarajevo,
- Rješenja o urbanističkoj saglasnosti broj: : 03/1-19-1-2555/20 od 27.09.2021. godine izdato od strane Službe za urbanističko planiranje, građenje, imovinsko-pravne i geodetske poslove, Grada Bihaća,
- Rješenje o okolinskoj dozvoli broj: UPI 05/2-02-19-5-133/20 SC od 24.03.2021. godine izdato od strane Federalnog ministarstva okoliša i turizma,
- Ugovor o pružanju komunalnih usluga broj 7/2009. od strane JP „Vodovod“ d.o.o. Bihać, Od 17.09.2012. godine, (uz kopije računa iz 2021. godine),

B. Tehnička dokumentacija

- Glavni-izvedbeni građevinski projekat rekonstrukcije za terminal tečnih naftnih goriva Bihać, Knjiga 2. (Izveštaj o zatečenom stanju) i Knjiga 8. građevinski projekat, sveska 2. Hidrotehnika, urađen od strane „Institut za građevinarstvo - IG“ d.o.o. Banja Luka, decembar 2018. godine.
- Izveštaj o izvršenoj kontroli projektne dokumentacije broj: 01-07/19, oktobar 2019. godine urađen od strane „EUROING“ doo Bihać.
- Projekat o inženjersko geološkim i geomehaničkim karakteristikama terena naftnog terminala Bihać sa geotehničkim projektom , knjiga 4. Geomehanika, glavnog projekta u elektronskoj formi, urađen od strane „IG“ d.o.o. Banja Luka , decembra 2018. godine.
- Glavni projekat, iz tačke 1. dispozitiva ovog Rješenja, urađen je od strane ovlaštenog pravnog lica.
- Lokacija terminala tečnih naftnih goriva se nalazi u naselju Ribić, Grad Bihać, na zemljištu označenom kao k.č. broj: 5980, 5974/4 i 6288/2 (novi premjer) K.O. Bihać grad koji odgovara starom m premjeru k.č. 1020/3, 1021/1, 1024/1, 1025/1 K.O. Bihać te k.č. 385/1, 380/2, 386/2, 384/2, 168/9, 168/11, 164/2, K.O. Bihać grad.

U provedenom postupku konstatovano je sljedeće:

- Osnovna djelatnost firme PD „Operator-Terminali Federacije“ d.o.o. Sarajevo je pretakanje, skladištenje i distribuciju tečnih goriva.
- U predmetnom zahtjevu je navedeno da se traži izdavanje vodne saglasnosti za ispuštanje oborinskih onečišćenih voda koje dopijevaju u vode sa lokacije za skladištenje i distribuciju tečnih naftnih goriva sa pratećim sadržajima za izvođenja radova sanacije i modernizacije postojećih objekata.
- Na predmetnoj lokaciji su nastala znatna oštećenja sistema za prikupljanje, tretman i ispuštanje oborinskih onečišćenih voda kao i oštećenja tankvana rezervoara u kojima se vrši skladištenje tečnih naftnih derivata.
- Iz navedenih razloga podnosilac zahtjeva je pokrenuo aktivnost sanacije i modernizacije istih čime bi omogućio adekvatno prikupljanje, tretman i ispuštanje oborinskih onečišćenih voda i prevencija i smanjenje negativnog uticaja istih na podzemne i površinske vode.
- Prva faza sanacije i modernizacije obuhvata rekonstrukciju dijela saobraćajnica i punilišta auto-cisterni, kolosjeka za istakanje vagon cisterni, separatora zauljenih voda, dijela sistema odvodnje oborinskih voda, tankvane postojećih rezervoara R-03 i R-04, te temelja i tankvane horizontalnih rezervoara.
- Postojeća kanalizaciona mreža je lošem stanju te se planira izgradnja potpuno nove mreže odvodnje oborinskih onečišćenih voda. Postojeći separator masti i ulja će koristiti kao rezervoar prikupljenih oborinskih voda koji će se povezati sa novim separatorom masti i ulja. Prečišćena oborinska voda će se preko okna za monitoring ispuštati u gradsku kanalizaciju.
- Podnosilac zahtjeva je pribavio okolinsku dozvolu broj: : UPI 05/2-02-19-5-133/20 SC od 24.03.2021. godine, izdato od strane Federalnog ministarstva okoliša i turizma,
- Urbanističke uslove za izvođenje radova na sanaciji i rekonstrukciji izgrađenih objekata privrednog kompleksa Terminal tečnih naftnih goriva u Bihaću, podnosiocu zahtjeva je izdato od strane Službe za urbanističko planiranje, građenje, imovinsko-pravne i geodetske poslove, Grada Bihaća,

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-I/25-1-40-478-4/20 od 18.12.2020. godine izdato od strane "Agencije za vodno područje rijeke Save" Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić dipl.inž.

Po ovlaštenju

Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- PD „Operator-Terminali Federacije“ d.o.o. Sarajevo, Mustajbega Fadilpašića br.1 Sarajevo, 71000 (Prilog: Ovjereni tehnički dokumenti pod tačkom B obrazloženja ovog Rješenja)
- AVP-ISV -Vodna knjiga
- Sektor 40, arhiva
- Oglasna tabla AVP-Sava Sarajevo